

مجموعۃ ابو الخیر

ماسوا شاہ سندن دلی تطہرہ پالش
بر تو حکمت و عرفان الہیہ خورہ آتش

علوم و معارف دین بحث ایدر۔ و ہر ماہ عربی ابتدا سیلہ اون بشندہ نشر اولنور مجموعہ در۔

عدد ۲۹ - جلد ۳ [فی غرہ ربیع الاول سند ۱۳۰۰] نسخہ سی ۳ فروش

برآز صکره قیرک عقلی باشنه کلکله « آه ! بو حال بکا بونکله
ایکی دفعه در اولیور . بو اجنبی افندی مطلقا قونیاعه برشی
قایور . » دهرک اوظه دن چیقمش و موسیو قلود ایسه مشاورک
غیبوبندن انتهاز فرصتله مصارف طعمای اعطایاتک ایچون النی
جینه صلوقد یغنده بر [قارت دوووزیت] بولوب اوزرنده ایسه
[مون غون موری] عباره سی محرر بولمش و حال بوکه موسیو قلودک
دروننده ۲۵۰۰۰ فرانقلق بانق قائمه سی بولنان جزو دانی سره
قدم باصمش ایدی .

بونک اوزرنده موسیو قلود در حال لوقانطه دن چیقهرق معیت
مأمورلرنده مون غون مورینک بر بیوک آدمک دروننده ۲۵۰۰۰ فرانق
بولنان جزو دانی آشیردیغنی بیان و حریفک اشکالی مکمل تعریف ایله
مطلقا اله کچیرلمسنی اکیدا تنبیه ایتش ایسه ده هیچ بروقت ایزی بیله
بولنه مامشدر . اصل غریبی بووقعه ده مون غون موری معرفتیه
اوکون برایکی غزته به اخبار اولنمسیله آفشام نسخهلرنده اووقومشدر .

{ تریشین } دنیلان خنزیر قوردی

خنزیر لمنده ظهور ایتکده اولان و تریشین دنیلان قورد اوروپا
علمایی عندنده یک چوق تجارب و مباحثاته باعث اولمقده در .
لوتی فیک یهک [لانه سیاتلیق] یعنی سنه علوم نامنده کی
سالنامه سنک کچن سنه کی نسخه سنده تریشینلرک کیفیات حدوئیه لم
خنزیر اکل ایدنلرده موجب اولسیدیغی علل و خیمه مفصلا تعریف
اولندقدن صکره غایت شدید بر حرارتی حائر اولان صو ایچنده قانیان
لم خنزیرده کی تریشینلرک محو و تلف اوله جغی و کذلک طوزلمش

اولان طوموز اتلرنده، اکر طوز انک کافه اقسام والیافسه حلول ایلیه جک اولورسه تریشینلرک ینه هلاکی محقق اولدیغی بیان اولنمش ایدی. حال بوکه (آن دوستی بلاتر) نام آلمان غزته سنده بوکا دائر معلومات آیه محرردر:

«پارسک آفاده می ده سیانسنده یعنی انجمن علومنده کچنلرده تریشینلر ینه موضع بخته قولشدر. شمدی یه قدر بو حیوانلرک طوز ایچنده تلف اولدقلری حقنده کی روایت واقوال کاه تصدیق وکاه انکار ایدلمش اولدیغی جهته بو خصوص یکیدن سؤال اولنمش اوزرینه اعضادن دو قسور فورمات او بایده ایراد ایلدیکی نطقنده کندی تجارینی بروجه آتی بسط ایشدر.»

«تریشینلر طوز ایچنده نه قدر طول مدت قالسدر هلاک اولمز. بن تریشینلری حاوی بر پارچه خنزیر اتنی اون بش آیی طوز ایچنده صافلاقدن صگره فاروره یدردم. اکل ایدن فاره لک کافه سنده تریشین ظهور ایلدیکنی رأی العین مشاهده ایلدم.»

تریشین دنیلان بو قورد او یوز بوجکی کی غایت ضعیف (خرده بینی) فسمیدن بر حیوان اولوب لم خنزیرده کندی کندینه حصوله کلیر. بناء علیه لم خنزیر اکلی معتاد ایدینلرک دخی قانی افساد اتمکله وجودنده بو حیوان حادث اوله رق (جزام) دنیلان ومعاذ الله تعالی دفع والتیامی آنجق مبتلا سنک فناسیله میسر اولان علت وخیمه بی انتاج ایدر.

شمدیکی حالده آمریکا دولت مجتمه سی حکم ایتدیکی ممالک کافه سنده لم مذکور اکلی شدیداً منع ایشدر. اوروپا علمایی دخی منعه اقدام ایدیور. اشته احکام جلیله اسلامیته کافه سی بویه برر حکمه مستند

اولدیغی محل شک و ارباب دکلدر . بناء علیه ظهیر اسلامدن ۱۲۶۰
سنه صکره شو حقیقتک تصدیق اولنشی دخی مجزات باقیه فرقانیه دندر .
عالم لایع .

مجموعه روایات حضرت امام رضا علیه السلام

بعض حاضر جوابلر

بعض حاضر جوابلر

تسمیم ابن الرومی

شعرا عربدن هجو ایلله مألوف اولان مشهور ابن رومی بی

رجال عصرندن بری لسانه دوشمکدن خوف ایتسنه منی مجلسنه

دعوتله بعض سم آلود ما کولات بدیره رک تسمیم ایلش ایدی . ابن الرومی

برمدت صکره علام سمی حسن ایتکله تیر الدن نداویسنه باقی اوزره

قالقوب کیدرکن صاحب خانه (نزهه کیدیورسک ؟) دیو سؤل

ایلر . ابن الرومی دخی (کوندردیککز یره کیدیورم !) قولله عازم فنا

اولدیغی اشراب ایتدکده صاحب خانه اوله ایسه پدره سلام سویلله -

دیمه سیله ابن الرومی دخی - جهنم کیتیم که پدرگی کوزوب سلامنی

تبلیغ ایلیم - جوابنی ویرد .

منصور عباسی ایلله وزیر ریج

برکون منصور خلیفه فنای عالم اوزرینده وزیر ریج ایلله

حسب حال ایلدیکی صروده « اکر موت اولمسه بدی ؛ دنیا نه خوش

اولوردی ! » دیدکده ربیع « دنیاک لطافتی موت ایلله حاصلدر ؛